

莆陽黃御史集
附別錄錄

二



莆陽黃御史集

別錄附錄

(二)

黃潛著

書懷寄友人

此生如孤燈素心挑易盡不及如頑石非與磨礱近
常思楊子雲五藏曾離身寂寞一生中千載空清芬

閨怨

妾家五嶺南君戍三城北鴈來雖無書衡陽越不得
別久情易料豈在窺翰墨塞上無烟花寧思妾顏色

省試內出白鹿宣示百官

乾寧二年

上瑞何曾乏毛羣表色難推於五靈少宣示百僚觀
形奪場駒潔光交月兔寒已馴瑤草別孤立雪花團
戴豸慙端士抽毫躍史官貴臣歌詠日皆作白麟看

呂本載在第二卷
賦後今類于此

○右詩二百五十九篇裔孫汝嘉得之東平呂氏家藏分二卷

貽張蠡

夢思非一日携手却淒涼詩見江南電遊經塞北霜
驅車先五漏把菊後重陽惆悵天邊桂誰教歲歲香
晚春關中

忍歷通莊出東風舞酒旗百花無看處三月到殘時
遊塞聞兵起還吳值歲饑定唯荒寺裏坐與噪蟬期
河梁

五原人走馬昨夜到京師繡戶新夫婦河梁生別離

隴花開不艷羌笛靜猶悲惆悵良哉輔鏘鏘立鳳池
送翁拾遺

還家還赴闕別思肯淒淒山坐輶車看詩持諫筆題
天開中國大地設四維低拜舞吾君後青雲更有梯
出關言懷

又乞書題出關西謁列侯寄家僧許嶽釣浦雨移舟
賣馬登長陸沾衣逐勝遊榮腸終日餒霜鬢度年秋
詩苦無人愛言公是世仇却憐庭際草中有號忘憂
逢友人

彼此若飄蓬二年何所從帝鄉秋未入江館夜相逢

瘴嶺行衝夏邊沙住隔冬旅愁論未盡古寺扣晨鐘

寄湘中鄭明府

縣與白雲連滄州况縣前嶽僧同夜坐江月看秋圓
琴拂莎庭石茶擔乳洞泉莫耽雲水興疲俗待君痊

寓題

每憶家山卽涕零定須歸老舊雲扃銀河水到人間
濁丹桂枝垂月裏馨霜雪不飛無翠竹鯨鯢猶在有
青萍三千九萬平生事却恨南華說北溟

傷蔣校書德山

誰到雙溪溪岸傍與招魂魄上蒼蒼世閒無樹勝青

桂隴上有花唯白楊秦苑火燃新賦在越城山秀故
居荒如何萬古雕龍手獨是相如識漢皇

別後

夢裏相逢無後期烟中解珮杳何之
虧蟾便是陳宮鏡莫吐清光照別離

嚴陵釣臺

終向烟霞作野夫一竿竹不換簪裾
直鉤猶逐熊羆起獨是先生真釣魚

馬嵬

鐵馬嘶風一渡河淚珠零便作驚波
鳴泉亦感上皇

意流下壠頭鳴咽多

龍腦移香鳳輦留可能千古永悠悠夜臺若使香魂
在應作烟花出隴頭

壺公山

古老相傳古仙姓陳名壺公於此山成道因而名焉

八面峰巒秀孤高可偶然數人遊頂上滄海見東邊
不信無靈洞相傳有古仙橘如珠夏在池象月垂穿

山頭有池而圓兼橘樹珠實夏在

髣髴嘗聞樂峇堯半插天山寒徹三伏松

偃出千年樵牧時迷所倉箱歲疊川嚴祠風雨管恠
木薜蘿纏青草方中藥蒼苔石裏錢瓊津流乳竇春
色駐芝田烏兔中時近龍蛇蟄處臚嘉名光列土秀

氣產羣賢瀑鑲瑤臺路溪舛釣浦船鼇頭擎恐沒地
軸壓應旋燭疾零甘露藏珍起瑞烟畫工飛夢寐詩
客寄林泉掘地多雲母緣霜欠木綿井通鱸吐脈僧
隔虎棲禪

山間有井通海盈縮之候貞元中有僧號法通咸通中有僧號弘播於其絕頂獨禪昏行至降虎而法通曾下山遇兩虎爭一牛乃

此而隔之分
令各啖之

危磴千尋拔奇花四季鮮鶴歸玄圃少鳳下

碧梧偏桃易炎涼熟茶推醉醒煎村家蒙棗栗俗骨
爽猿蟬谷語昇喬鳥陂開共蒂蓮落楓丹葉舞新蕨
紫芽拳翠竹雕羌笛懸簾煮蜀賤白雲長掩映流水
別潺湲作賦前儒闕冲虛南國先省郎求牧看野老
葺齋眠

潘郎中存實詩云雙旌牧清源吟看壺公翠又歐陽矩先輩自
刺史蘇君書求泉山之爲畫屏云壺公之高洛陽之深夢魂所思

寺歷興衰創碑須一二鐫清吟思却隱簪紱奈縈牽
和王舍人崔補闕題天王寺

郭內青山寺難論此崛奇白雲生院落流水下城池
石像雷霆敗江沙鼎鼐期嶽僧來坐夏秦客會題詩
崗轉泉根滑門昇蘚級危紫微今日句黃絹昔年碑
歇鶴松佢閣鳴蛩徑出籬粉垣千堵東金塔九層支
啼鳥笙簧韻開花錦繡姿清齋奔井邑玄髮剃熊羆
極浦征帆小平蕪落日遲風篁清却暑烟草綠無時
信士三公作靈蹤四絕推良遊如不宿明月擬何之

寄楊贊圖學士

學士與元昆俱以龍腦登選

東堂第一領春風時怪關西小驥慵華表柱頭還有
鶴華歆名下別無龍君恩鳳閣含毫數詩景珠宮列
肆供今日江南駐舟處莫言歸計爲雲峰

醺楊學士

神仙簿上愧非夫詔作疑舟兩入爐詩裏幾曾吟芍
藥花中方得見菖蒲陽春唱後應無曲明月圓來別
是珠莫下蓬山不迴首東風猶待重搏扶

寄同年李侍郎龜正

石門南面淚浪浪自此東西失帝鄉崑璞要疑方卓
絕大鵬須息始開張已歸天上趨雙闕忽喜人間捧

八行莫道秋霜不滋物菊花還借後時黃

鍾陵故人

滕王閣下昔相逢此地今難訪所從唯愛金籠貯鸚鵡誰論鐵柱鑱蛟龍荆榛翠是錢神染河嶽期須國士鍾一筋鱸魚千古美後人終少繼前蹤

故山

支頤默省舊林泉石徑茅堂到目前衰碧鳴蛩莎有露濃陰歇鹿竹無烟水從井底通滄海山在窗中倚
這天何事蒼髯不歸去燕昭臺上一年年

塞上

塞門關外日光微角怨單于雁駐飛衝水路從冰解
斷踰城人到月明歸燕山臘雪銷金甲秦苑秋風脆
錦衣欲弔昭君倍惆悵漢家甥舅竟相違

閏八月

無人不愛今年閏月看中秋兩度圓唯恐雨師風伯
意至時還奪上樓天

烏石村

卽林希劉故居

往日江村今物華一迴登覽一悲嗟故人歿後城頭
月新鳥啼來壠上花賣劍錢銷知絕俗聞蟬詩苦卽
思家謝公古郡青山在三尺孤墳撲海沙

寄同年盧員外

聽盡鶯聲出雍州
秦吳煙月十經秋
龍門在地從人上
郎省連天須鶴游
休戀一臺推妙絕
已經三字入精求
當年甲乙皆華顯
應念槐宮今雪頭

寄同年封舍人渭

時得來書

唐城接軫赴秦川
憂合懽離驟十年
龍領摘珠同泳海
鳳銜輝翰別昇天
八行真跡雖收拾
四戶高局奈隔懸
能使邱門終始雪
莫教華髮獨潛然

遇羅員外袞

灞陵橋外駐征轅
此一分飛十六年
牙角戴時垂素

髮雞香含處隔青天綺園難貯林棲意班馬須持筆
削權可忘自初相識地秋風明月客廊延

送翁員外承贊

誰言吾黨命多奇榮美如君歷數稀衣錦還鄉翻是
客迴車謁帝卻爲歸鳳旋北闕虛丹穴星復南宮逼
紫微已分十旬無急詔天涯相送只沾衣

寄少常盧同年

官拜少常休青綬換鹿裘狂歌離樂府醉夢到瀛洲
古器巖耕得神方客謎留清溪莫沈釣王者或畋遊
傷翁外甥

江頭去時路歸客幾紛紛獨在異鄉歿若爲慈母聞
青春成大夜新雨壞孤墳應作芝蘭出泉臺月桂分

寄徐正字質

八月月如冰登樓見姑射美人隔千里相思無羽駕
紅蘭挹露衰誰似流光訝何當詩一句同吟祝立化

秋夕貧居

聽歌桂席闌下馬槐烟裏豪門腐梁肉窮巷思糠粃
孤燈照獨吟半壁秋花死遲明亦如晦雞唱徒爲爾

右詩三十二篇東家編略所錄

與翁諫議承贊唱和

奉和翁文堯十九員外中謝日蒙

恩賜金紫之什

面蒙君賜出龍墀誰是還鄉一襲衣
三品易懸麟鬣赫八絲展起綵章飛
簞爲勝事垂千古題作新詩啟
七微嚴助買臣精魄在定應羞着

廷略反

昔年歸

奉和翁文堯戲寄

握蘭宮裏數名郎好是乘輅出帝鄉
兩度還家還未有別論光彩向冠裳

翁文堯員外捧金紫還鄉之命雅發篇章將原